

《佛說無量壽經》 補充講表

◎附表十九：以下糅合《佛說無量壽經甄解》

○於諸佛法，不能即得不退轉者，

《佛遺教經》云。「世尊！月可令熱，日可令冷，佛說四諦不可令異。佛說苦諦實苦，不

可令樂；集真是因，更無異因；苦若滅者，即是因滅，因滅故果滅；滅苦之道，實是真道，更無餘道。世尊！是諸比丘，於四諦中，決定無疑。」

○佛告阿難：爾時，法藏比丘說此願已，以偈頌曰：

《唐譯》、《宋譯》並云：「承佛威力而說頌曰」，今本（魏譯）無者，省略而已。

※重說偈頌目的：為顯超世之願，疾欲得證果而決志進趣，故有此偈頌。

○我建超世願，必至無上道，斯願不滿足，誓不成等覺。

「超世」：上來所說六八願，皆超踰二百一十億諸佛之本願也。

○離欲深正念，淨慧修梵行，志求無上尊，為諸天人師。

○離欲 《佛說四十二章經》云：「世尊成道已，作是思惟：離欲寂靜，是最為勝。」

《圓覺經》彌勒菩薩章云：「當知輪迴，愛為根本；由有諸欲，助發愛性，是故能令生死

相續。」

《楞嚴經》卷六云：「如來涅槃，何路修證，必使婬機身心俱斷，斷性亦無，於佛菩提，

斯可希冀。」

○深正念 《圓覺經》普眼菩薩章云：「彼新學菩薩及末世眾生，欲求如來淨圓覺心，應當

正念，遠離諸幻。先依如來奢摩他行，堅持禁戒，安處徒眾，宴坐靜室。」

《大乘起信論》云：「心若馳散，即當攝來，住於正念。是正念者，當知唯心，無外境界。

即復此心，亦無自相。念念不可得。」

○離欲深正念，淨慧修梵行：「離欲」：不著諸法。「深正念」：深達實相，「淨慧」：寂而常

照。以般若融修無量法門，故云：「修梵行」也。

○閉塞諸惡道，通達善趣門。

閉塞諸惡道：令出五道也。通達善趣門：往生安樂也。

○為眾開法藏，廣施功德寶，常於大眾中，說法師子吼。

法藏：約教，即是八萬四千一切法門藏。約理，法性本有，即為如來藏。

師子吼：有其多義，略說三種：一、如說修行，二、無畏說，三、決定說。所說如所行，

所行如所說，無有虛說，故名『師子吼』；二、無畏說者，（一）、不畏於百獸，

（二）、令百獸生畏，大士演法義亦同；然『師子吼』名決定說者，此借師子性情為喻，如師子度河，望直而過，若使邪曲，即是回還。菩薩演教義亦如是，依究竟了義教，若不究竟，即便不說。

《大智度論》卷二十五云：「師子吼，一切時怖畏。佛師子吼，雖小怖畏眾生，示世間惡

罪，令不樂世間生；觀涅槃功德利益，能除世間種種怖畏；

閉惡趣，開善道，能令人到涅槃城。」

○法藏比丘說此頌已，應時普地六種震動，天雨妙華，以散其上。

《大智度論》卷八云：「

諸阿羅漢及諸天不能具足動，唯佛世尊能令大地六種震動。

佛何以故震動三千大千世界？欲令眾生知一切皆空、無常故。有諸人言：【大地及日月、須彌、大海，是皆有常。】是以世尊六種動地，示此因緣，令知無常。復次，如人欲染衣，先去塵土；佛亦如是，先令三千世界眾生見佛神力，敬心柔軟，然後說法，是故六種動地。」

○兆載永劫：謂無限久遠之時間。兆、載，均為極大之數目名稱

○不生欲覺、瞋覺、害覺，不起欲想、瞋想、害想，不著色、聲、香、味、觸、法。

※覺者，新譯作「尋思」，猶言念。

《靈峰宗論》云：「強觀諸法（所觀境）無實，惟心所現，則心外無法；次觀心（能觀之心）無形相，覓之了不可得，則法外無心」。

○忍力成就

《佛說四十二章經》云：「沙門問佛：何者多力？何者最明？佛言：忍辱多力，不懷惡故，兼加安健。忍者無惡，必為人尊。」

○不計眾苦（精進度）

《大乘起信論》云：「云何修行進門？所謂於諸善事，心不懈退，立志堅強，遠離怯弱。當念過去久遠已來，虛受一切身心大苦，無有利益。是故應勤修諸功德，自利利他，速離眾苦。復次，若人雖修行信心，以從先世來，多有重罪惡業障故，為邪魔諸鬼之所惱亂；或為世間事務種種牽纏；或為病苦所惱；有如是等眾多障礙，是故應當勇猛精勤，晝夜六時，禮拜諸佛，誠心懺悔，勸請、隨喜、迴向菩提，常不休廢，得免諸障，善根增長故。」